

مشتاقنامه

محل مطبعه و اداره :

جغسال اوغلانده امنيت
صندوغی جوارنده
شنگول يقوشنده
۲۷ نومرو

امضای :

مسلكمزه موافق آثار
جدیدیه مع الممنونیه
قبول اولنور

درج ایدلمه یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

آلتنجی جلد

۸ ربیع الاول پنجشنبه ۲۴ شباط ۳۲۶

عدد : ۱۳۱

وقرا کلق زنداندن قوتارمش و بوجاهد محترمده حیات و حریتہ قاووشنجه ، بلا توقیف غروب ایدن « هلال » ک یرینه « شهاب ثاقبی » یاغیرمهیه باشلامشدر .

بویله همتلی قرداشلر ظهور و تکثر ایتدکجه « هلال » حقنی النیه قزانیر دشمنلرینه قارشئ « تیمور قازیق » کبی دیکیلوب اصلا باتماز...

اتحاد اسلام حرکتی

« نوویه وره میا » غزته سندن :

« کچنارده تلغراف آژانسئ ، ایرانده اتحاد اسلام حقنده نشر اولنان بیاننامه نك توجه عمومی به مظهر اولمادیغنی بیلدیر یوردی . بوقیصه جق جملهلر بیوک بر معنایی حاویدر . فارسیجه نشر اولنان « شمس » غزته سی ، احمد ضیا بك نامنده بر ذاتك ایران علماسی نزدنده بروظیفه مخصوصه ایفا ایلمك اوزره ایرانه واصل اولدیغنی یازمشدی . مومی الیه ، ترك قومیتنه منسوب اولمقله برابر « اتحاد و ترقی » جمعیتله ده صیقی مناسباتده بولمقده در . احمد ضیا بك ، صاحب ثروت بر ذات اولوب ، بروظیفه ایله تأمین معیشته مجبور بولمندیغندن یالکیز اتحاد اسلام اوغورنده چالیشمه حصر وجود ایلمشدر .

« نوویه وره میا » غزته سی کنج ترکله پان اسلامیزم املتی اسناد ایلمه رك دییورکه : « عثمانلی اداره جدید سنك رجال مشغوله سی ، دولت عثمانیه نك راحت بر اقلمقدن بشقه بر آرزوسی بولمندیغنی و مشاغل داخله سنك کثرتی سببیه کنديسنك هیچ برکونا آمال خیالپرورانه قایلیمق زمانی اولمندیغنی صیق صیق اعلان و بیان ایلمکده درلر . حالبوکه عین زمانده « اتحاد و ترقی » جمعیتله صیقی مناسباتی بولنان بعض ذوات و غزته لر ، ایران ، آسیای وسطی ، هندستان و مصرده اتحاد اسلام افکاری نشر ایلمکه دوام ایتمکده درلر . بویولده ابراز اولنان فعالیتک ماهیت سیاسیه سی ، عثمانلی ایمپراطورلغنی مرکز اسلامیت و حکمدارینی ده ملل اسلامیه نك رئیس عمومیسئ اتخاذ ایلمکدن عبارتدر .

کچن عصر ظرفده اروپا اقوامنك حرکات تاریخیه سی ، هر قومك کسب استقلال ایله برر حکومت ملیه تأسیس ایتسی امانی تعقیبیدن عبارت ایدی . اتحاد اسلام آمالی ایسه ملیت حدودی داخلنه صیغما مقده در . آمال مذکوره ، اقوامی ، بر رابطه قومیه دکل ، مناسبات دینی و واسطه سببه توحید ایتک ایستور .

اتحاد اسلام املنك حیز حصوله کلسی ، حیات حاضره نك تاریخده کی صلیب احمر دورلرینه یعنی بتون اروپا ، آسیا و آفریقانك اسلاملق و خرسیتیانلق عالماری دییه ایکی قسمه آیرلینی زمانه عودت ایلمسی دیمکدر .

تاریخی تبدیل ایتک ممکن دکدر . فقط قانلی مصداقه لر تولید ایده جک ماهیتده هیجان حصوله کتیرمک کوچ برشی دکدر . اتحاد اسلام تعصبی نتیجه سی اوله رق حصوله کلن ایجان وقعیه سی خاطر لرده در . بوکون هندستان ، مصرده اتحاد اسلام حرکتی مشاهده اولمقده در . اهالی اسلامیه نك کثیر بولندیغنی ممالک واسعه ده اتحاد

اولان مساعیسنی تدقیق ایدرک بو وطنداشارینی دهایی طانیه بیلیردی . روسیه ده اسلامیت بیوک بر عنصر اقتصادی حالتی آلمش و کندی ترقیسنه چالشمقله برابر ترقیات ملییه ده صرف غیرت ایتمکده بولمیشدر . روسیه ده صرف ایدیلن مساعی عالم اسلامك مرکزنده ، ترکیه ده دماجرا ایدلمیشدر . بونکله برابر روس اسلاملری ترقیات اقتصادییه طوغری یاواش و متردد خطوات ایله ایلر یلمکده در .

قافقاسیه ده طوغوب باتان ، هلال ،

کچن هفته نك شتونی صره سنده ، قافقاسیاده « هلال » آدلی بر آرقداشمزك چیقدیغنی و اوچنجی نسخه سندن اعتباراً روس پولیسئ طرفندن قبادیلدیغنی یازمشدق . بو هفته قبادیلمه سنی انتاج ایتش اوچنجی نومروسی اداره خانه مزه کلدی . بونی کوروبا کلا دق که روسلرک جبریه شهیدلک کورغمز 'ولان بو هلال' ، بزم مسلمان - هلالك یاریم عصرلق افولندن صوکره قافقاسیاده تکرار طلوعی ایش ... « هلال » قارده شمزك سرلوحه سی قوجامان بر عثمانلی هلالی : اوچنجی نومرونك باش مقاله سی ایسه شو ایکی بیت ایله نهایت بولیور :

دوزخ مکانم اولسه ، بکانه جنت عد اولیر ،

عثمانیان ایشیدسه م اولوب تاج سر بره ...

بوپك اهمیتلی مقاله نك برایکی فقره سنی ده نقل ایده لم : بوکون حکمداران اسلامك ملجاء و پناهی ده اطوغریسی الک برنجی استنادکاهی اولان دولت عثمانیه نك علیه چالیشان اعادینك دسیسه سنه دل داده اولوب ، اولرک الفتات فساد انکیزانلرینه حالا قاپیله جقمیز ؟ عثمانلیر کندی تنظیمات داخله لر یله بودرجه مشغول اولدقلری حالده بردقیقه جق اولسون ایستر ایران اهالیسنی . ایستر قافقاز اهالیسنی اصلا اونودمیورلر . عثمانلیدن کلن تلغرافنامه لرک مألندن قانمزك اخرنجی دامله سنه قدر ایرانی یالکیز براقیه جفز ، فکری بیلنوب طوریر کن بعض عربلر « خلافت امام یحیی مستحقدر » ادعاسیله تجاوزانه قالیشمه لر نه قدر شایان تأسفدر .

« هلال » ک خوش بر منظومه سی ده وار . ایشته بر قاج مصرعای :

مطلقیت هاردان (نره دن) استحصال ایدر ارباب ظلم
اورتاده مملکت بیقان بی قرب جاسوس اولسه ؟
ایلر (سنه) ایله قول اولان ملت نیجه ایشون قیام
حقنی آلق ایچون علمیه مأنوس اولسه
حیات ، ظلم جاسوز رئیس و عجر صرئوس اولماسه .
سهل اولور انسانلره دنیا ده اصرار
فی المثل ایرانیان تأمین استقلال ایدر .
بوم حریت طانیلمش نیجه روس اولماسه ...

شاعرک فرشته الهامی محیطی اونوده رق ، بو قدرجه احرارانه یروازه باشلا نیجه « بوم حریت اولان نیجه روس » در حال یا قاسنه یا پشمش و غزته سنی قاپاندقدن باشقه ، کنديسنی ده با کو حبس خانه سنه طیقامشدر . فقط با کوده حیمتلی زنکینلر و ارایمش ؛ بونلردن بریسی همان حبس خانه یه قوشه رق ۷۵۰۰۰ غروش کفالت نقدیه ایله ، « هلال » ک سر محرری و منظومه نك شاعری اولان علی عیاض بك قارده شمزی دار